

Truenorth Nordic ehf.
Fiskislóð 31a
101Reykjavík

Reykjavík, 19. ágúst 2022
UST202205-138/I.M.B.
09.06.01

Efni: Umsókn um leyfi til kvikmyndatöku í Vatnskarðshlíðarvík við Kleifarvatn

Umhverfisstofnun hefur móttengið umsókn Truenorth Nordic ehf., dagsett 10. maí 2022, um leyfi til kvikmyndatöku í Reykjanesfólkvangi, dagana 22. ágúst – 8. nóvember 2022.

Reykjanesfólkvangur er friðlýstur sem fólkvangur sbr. auglýsing nr. 520/1975. Jarðrask á svæðinu er óheimilt nema með leyfi Umhverfisstofnunar.

Þá er samkvæmt 1. mgr. 31. gr. laga nr. 60/2013 um náttúruvernd óheimilt að aka vélknúnum ökutækjum utan vega. Umhverfisstofnun er heimilt, ef nauðsyn krefur, að veita leyfi til þess að aka vélknúnum ökutækjum utan vega vegna kvikmyndagerðar, ef ekki er unnt að vinna viðkomandi störf á annan hátt, sbr. 3. ml. 2. mgr. 31. gr. laga nr. 60/2013, um náttúruvernd.

Lýsing verkefnis:

Sótt er um leyfi til kvikmyndatöku við sem felur m.a. í sér uppsetningu leikmyndar í fjörunni við norðanvert Kleifarvatn dagana 22. ágúst – 8. nóvember 2022. Að verkefninu koma um 40 manns.

Á undirbúningstíma verður leikmynd sett upp í fjörunni við Kleifarvatn undir Vatnshlíð skv. teikningu sem fylgdi umsókninni. Leikmyndin er úr timbri og járn sem verður flutt á staðinn með vörubíl og svo borin á þá staði þar sem hún verður sett upp. Við uppsetningu leikmyndar þarf að nota tveggja tonna beltagröfu, tíu tonna Skotbómulyftara og kranabíl (16,5 tonn). Ekki er ljóst hve mikill akstur þessara tækja þarf að vera við verkefnið en hann verður mestur í byrjun og við frágang eftir verkefnið. Ekið verður eftir reiðleið sem liggur frá þjóðvegnum norðan Kleifarvatns. Við uppsetningu leikmyndarinnar þarf að grafa 16 steypuklumpa (70x70x20 cm) um 25 cm djúpt í sandinn þar sem verður fest í timbur og járn til að tryggja leikmyndina. Átta steypuklumpa þarf að leggja niður, þar af fjóra út í Kleifarvatn. Þetta verður flutt á staðinni með kranabíl, híft á svæðið í upphafi verkefnis og svo aftur við frágang eftir það. Að lokinni uppsetningu leikmyndar þarf að afmá för í fjörunni með því að slóðadraga.

Á tókutíma verður notaður einn jeppa pallbíl og eitt fjórhjól til að fara með búnað inn á svæðið og þurfa þau að fara allt að 6-10 ferðir á dag. Einnig þarf að setja gervisnjó á hluta leikmyndar á tókutíma. Tvö tæki eru notuð við það að setja gervisnjóinn á leikmyndina, annað er bensínkúíð en hitt er knúíð rafmagni frá díselrafstöð. Upplýsingar um efnainnihald hans fylgdi umsókninni. Gervisnjórinn verður skolaður úr fjörunni með vatni úr Kleifarvatni.

Á tókutíma verða settar upp aðstöðubúðir í fjörunni austan við þjóðveginn norðan Kleifarvatns. Í aðstöðubúðunum verða tveir eldhúsbílar, tvær aðstöðurútur, rafstöð, salerniskerra, förðunarbíll, trukkur með leikmuni og sjö jeppar og litlir sendibílar. Kort sem sýnir uppsetningu aðstöðubúða fylgdi umsókn. Umsækjandi mun setja upp skilti sem tekur fram að verkefnið hafi leyfi.

Að loknum tökutíma verður leikmyndin fjarlægð og för eftir verkefnið í fjörunni afmáð með því að slóðadraga.

Áhrifamat:

Sérfræðingur og landvörður Umhverfisstofnunar fóru með fulltrúum umsækjanda í vettvangsferð um svæðið 29. júlí 2022.

Umhverfisstofnun metur umrætt verkefni mjög umfangsmikið og að það muni hafa staðbundin neikvæð áhrif á ásynd svæðanna og einhver áhrif á gróður sem er að finna ofarlega í fjörunni. Stofnunin metur að verkefnið muni ekki hafa mikil áhrif á gesti svæðisins, þar sem fjaran er ekki við alfaraleið. Efnainnihald gervisnjósins er ekki hættuflokkað, þ.e. varðandi hættu fyrir fólk og ekki metið hættulegt umhverfi. Gervisnjórinn hefur nokkuð sterk tengi þannig að það brotnar ekki niður af sjálfu sér.

Niðurstöður og skilyrði:

Umhverfisstofnun veitir Truenorth Nordic ehf., fyrir sitt leyti leyfi fyrir kvikmyndatöku við Kleifarvarn sbr. lýsingu hér að ofan dagana 22. ágúst – 8. nóvember 2022.

Akstur utan vega er eingöngu heimill vegna flutnings búnaðar en ekki til fólksflutninga. Leyfið er veitt að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Virða skal umgengnisreglur sem gilda um svæðið.
- Koma skal fyrir merkingum við upphaf verkefnis á tókustað um að leyfi fyrir verkefninu hafi fengist hjá Umhverfisstofnun.
- Til að koma í veg fyrir að verkefnið hvetji til utan vega aksturs þá er óheimilt að sýna ökutæki aka utan vegar í myndefni.
- Einungis skal aka eftir þeim leiðum sem leyfi þetta nær til og er sýnt á korti sem fylgdi umsókninni.
- Einungis er heimilt að slóðdraga þar sem er engan gróður er að finna á sandinum og nota hrífu eða kúst til að afmá för, eftir því sem við á, þar sem er gróður er að finna í fjörunum.
- Ef frost er í jörðu þegar afmá á för eftir verkefnið skal haft samband við Umhverfisstofnun um tilhögun frágangs.
- Takmarka skal fjölda ferða eins og kostur er.
- Gæta skal að mengunarvörnum farartækja og annarra véla og þess gætt að mengandi vökvi berist ekki í jarðveg og/eða vatn.
- Forðast skal óþarfa rask og stærð framkvæmdasvæðis skal haldið í lágmarki.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Afmá skal öll ummerki verkefnisins á svæðinu að því loknu að höfðu samráði við sérfræðing og landvörð Umhverfisstofnunar.
- Kvikmyndatökuliðið skal sýna öðrum gestum svæðisins tillitssemi og tryggja að tókurnar valdi eins litlu ónæði og hægt er.

- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Umhverfisstofnunar hafi fengist fyrir kvikmyndatökunni innan hins friðlýsta svæðis.
- Óheimilt er að trufla dýralíf.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Umhverfisstofnun bendir á að vegna jarðhræringa sem hafa átt sér stað á svæðinu undanfarnar vikur hefur verið töluvert um grjóthrun úr klettum á svæðinu sem getur verið varasamt.

Leyfi sveitarfélags og Minjastofnunar Íslands gæti þurft fyrir verkefninu.

Leyfisgjald:

Umhverfisstofnun innheimtir gjald fyrir vinnslu og afgreiðslu umsókna um leyfi til kvikmyndatöku á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um leyfi vegna kvikmyndagerðar er kr. 52.600.- sbr. 24. gr. b. gjaldskrá Umhverfisstofnunar nr. 535/2015. Vinna við afgreiðslu umsóknarinnar varð umfangsmeiri en gert er ráð fyrir í grunngjaldi. Í gjaldskrá er gert ráð fyrir að vinna við afgreiðslu umsóknar um leyfi til kvikmyndatöku á friðlýstu svæði sé 4 klukkustundir. Vinna við afgreiðslu umsóknarinnar mun vera samtals 15 klukkustundir. Stofnunin áformar að gefa út reikning fyrir þessa umframvinnu, þ.e. fyrir 11 klukkustundir á 13.200 hver klukkustund. Umhverfisstofnun áformar því, á grundvelli 3. mgr. 24. gr. b. gjaldskrár Umhverfisstofnunar nr. 535/2015, að innheimta samtals kr. 197.800.- fyrir vinnu við afgreiðslu leyfisins

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst

Inga Dóra Hrólfsdóttir
sviðsstjóri

Magnús Freyr Sigurkarlsson
sérfræðingur